

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (5) i 45 stav (1) Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 101. sjednici, održanoj 03.07.2017. godine, d o n o s i

ZAKLJUČAK

o usvajanju Programa utroška sredstava budžeta za projekte u oblasti veterinarstva u 2017. godini, u razdjelu 23, budžetska organizacija 01, potrošačka jedinica 0001, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva“ Budžeta Zeničko-dobojskog kantona za 2017. godinu

I.

Usvaja se Program utroška sredstava budžeta za projekte u oblasti veterinarstva u 2017. godini u razdjelu 23, budžetska organizacija 01, potrošačka jedinica 0001, ekonomski kod 614100 „Tekući transfer za Institut za zdravlje i sigurnost hrane Zenica za projekte iz oblasti veterinarstva“ (a u daljem tekstu Institut) u iznosu do 100.000,00 KM (slovima: stotinu hiljada konvertibilnih maraka) Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

U skladu sa odobrenim sredstvima Budžeta za 2017. godinu u iznosu do 100.000,00 KM za svaku planiranu i završenu aktivnost iz ovog Programa, na zahtjev Instituta uz dostavljanje Izvještaja, Vlada će posebnim zaključcima odobravati sredstva.

IV.

Za realizaciju ovog Zaključka zadužuju se Ministarstvo za poljoprivredu, šumarstvo i vodoprivredu, Javna ustanova „Institut za zdravlje i sigurnost hrane“ Zenica i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____ /17.

Datum, 03.07.2017. godine

Zenica

PREMIJER

Miralem Galijašević

DOSTAVLJENO:

1 x Ministarstvo za poljoprivredu, šumarstvo i vodoprivredu,

1x Javna ustanova „Institut za zdravlje i sigurnost hrane“

Zenica (putem Ministarstva),

1 x Ministarstvo finansija,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA
ZA PROJEKTE U OBLASTI VETERINARSTA U 2017. GODINI**

Zenica, jun 2017. godine

Podaci o programu

Program je usvojen: na 101. sjednici Vlade Zeničko-dobojskog kantona održanoj 03.07.2017. godine.

Period realizacije Programa: Realizacija Programa utroška sredstava budžeta za projekte iz oblasti veterinarstva izvršiti će se u periodu od 01.06. do 31.12.2017. godine.

Ukupna vrijednost Programa: 100.000,00 KM.

Namjena Programa: Zaštita zdravlja ljudi i životinja, povećanje proizvodnje, kvaliteta i podsticaj izvoza proizvoda životinjskog porijekla.

Korisnici Programa: JU Institut za zdravlje i sigurnost hrane.

Izvor sredstava: Budžet Zeničko-dobojskog kantona u 2017. godini, Ministarstvo za poljoprivredu, šumarstvo i vodoprivredu, „Tekući transfer za Institut za zdravlje i sigurnost hrane Zenica za projekte iz oblasti veterinarstva“.
Zakon o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16).

Odgovorna osoba: Himzo Smajić, ministar

I UVOD

Zakonom o veterinarstvu („Službene novine Federacije BiH“, broj: 46/00), Zakonom o veterinarstvu u Bosni i Hercegovini („Službeni glasnik BiH“, broj: 34/02) i Zakonom o osnivanju Javne ustanove Institut za zdravlje i sigurnost hrane („Službene novine Zeničko-dobojskog kantona“, broj: 05/15), te djelatnostima Instituta koja se odnosi na:

- praćenje, analiziranje i proučavanje stanja u pogledu pojave, kretanja, suzbijanja i iskorjenjivanja zaraznih, parazitskih i drugih bolesti kod životinja i zoonoza,
- pružanja stručne pomoći veterinarskim organizacijama i proizvođačima proizvoda životinjskog porijekla i hrane za životinje,
- obavljanja i drugih poslova u skladu sa Zakonom, kao i propisima iz oblasti veterinarstva, a koji su dodijeljeni veterinarskom zavodu,
- implementiranju projekta koji doprinose unapređenju zdravlja ljudi, životinja i biljaka, kao i projekta koji doprinose osiguranju proizvodnje i prometa zdravstveno ispravne hrane,
- pružanja stručnih konsultantskih usluga iz djelatnosti rada Instituta, a posebno iz oblasti sigurnosti hrane,

utvrđeni su projekti iz oblasti veterinarstva:

1. Mljekarstvo
2. Zoonoze

Po Programu za 2017. godinu za projekte iz oblasti veterinarstva ukupno su opredjeljena sredstva u iznosu od 100.000,00 KM.

II AKTIVNOSTI PLANIRANE PROJEKTIMA IZ OBLASTI VETERINARSTVA

- Kontrola i praćenje rezistencije uzročnika mastitisa kod krava čije se mlijeko stavlja u javnu potrošnju.
- Svaki sumnjiv i pozitivan uzorak sekreta vimena, kod latentnih i klinički manifestnih mastitisa, nakon California Mastitis Testa dostavljati na laboratorijske pretrage u Institut za zdravlje i sigurnost hrane, mikrobiološki laboratorij za bakterijske i druge zarazne bolesti domaćih životinja.
- Bakteriološke analize uzoraka sekreta vimena, izolacija, identifikacija i determinacija uzročnika mastitisa.
- Izrada antibiograma za izolirane uzročnike i utvrđivanje njihove rezistencije odnosno osjetljivosti na pojedine antibiotike koji se koriste u terapiji sa preporukama za adekvatno liječenje.
- Saradnja sa svim veterinarskim stanicama Zeničko-dobojskog kantona koje bi u sklopu svojih redovnih aktivnosti provođenja Programa zdravstvene zaštite životinja za 2017. svaki sumnjiv i pozitivan uzorak CMT-om dostavljali na dalje laboratorijske pretrage. Praćenje rezultata dijagnostike i provedene terapije u praksi na reprezentativnom broju uzoraka.

- Analiza stanja, završni izvještaj i prezentacija rezultata istraživanja.
- Prikupljanje uzoraka tla sa javnih površina, uzimanje uzoraka fecesa kod vlasničkih pasa i uličnih pasa neophodni za analizu koji bi dali objektivne rezultate ugroženosti građana Zeničko–dobojskog kantona.
- Identifikacija parazita i razvojnih oblika parazita.
- Edukacija stanovništva i upoznavanje o opasnostima i mogućnostima zaštite od parazitarnih bolesti.

III CILJEVI PROJEKATA

- Sveobuhvatan i svrsishodan pristup rješavanju problema mastitisa koristeći namjenska sredstva za projekte iz oblasti veterinarstva, pružajući besplatnu laboratorijsku uslugu farmerima.
- Dijagnostika uzročnika (izolacija, identifikacija i determinacija) latentnih i klinički manifestnih mastitisa nakon CTM testa kojeg provode veterinarske stanice u okviru Programa zdravstvene zaštite životinja.
- Praćenje antimikrobne rezistencije izoliranih uzročnika mastitisa u skladu sa preporukama EFSA-e.
- Ustanoviti da li u gradovima Zeničko-dobojskog kantona na pojedinim lokacijama postoji kontaminacija izmeta pasa sa crijevnim parazitima.
- Ustanoviti koji endoparaziti, čiji se razvojni oblici izlučuju izmetom, parazitiraju u pasa koji deficiraju na gradskim lokalitetima.
- Istraživanjem fecesa populacije pasa bez nadzora (ulični psi) i pasa pod nadzorom (vlasnički psi) ispitati direktnu mogućnost transinfestacije.
- Ustanoviti u kojoj su mjeri nepokupljeni izmet na zelenim površinama potencijalni izvor invazije za druge pse, a također i procijeniti koji je udio parazita sa poznatim zoonotskim potencijalom.
- Profesionalnom i kontinuiranom edukacionom kampanjom upoznati stanovništvo o opasnostima koje po njihovo zdravlje mogu imati parazitoze.
- Na osnovu dobivenih rezultata istraživanja, sačiniti plan i aktivnosti djelovanja kako bi se zaštitilo zdravlje ljudi na ispitivanim područjima.

IV IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), u kojem je na stavci „Tekući transfer za Institut za zdravlje i sigurnost hrane Zenica za projekte iz oblasti veterinarstva“ u razdjelu 23., budžetska organizacija 01, potrošačka jedinica 0001, ekonomski kod 614 100 planiran iznos od 100.000,00 KM.

Navedeni iznos sredstava će se realizovati prema pojedinačnim projektima uz predhodnu saglasnost Vlade.

V KORISNIK SREDSTAVA

Korisnik sredstava je Javna ustanova Institutu za zdravlje i sigurnost hrane Zenica na osnovu registrovane djelatnosti.

Broj: 02-_____ /17.

Datum, 03.07.2017. godine

Zenica

PREMIJER

Miralem Galijašević

DOSTAVLJENO:

1 x Ministarstvo za poljoprivredu, šumarstvo i vodoprivredu,

1x Javna ustanova „Institut za zdravlje i sigurnost hrane“

Zenica (putem Ministarstva),

1 x Ministarstvo finansija,

1x a/a.